

PETANO

 Litsela tsa Oona ha li ka ke tsa finyelloa, na ha li joalo? Morena ea babatsehang! Ho monate hakakang ho Mo tšepa. Ke tšepa le bile le nako e babatsehang bosiung bona. Le ho bula monyako mono nakoana e fetileng ho utloa Khaitseli Gertie a bina thoko eo ea khale, *Tiisetsa, Hora E Le 'Ngoe Hape*, e khutlisitse mehopolo ea kerekana ea ka, khetlo la ho qetela ha ke tla tloha ho kena mosebetsing oa boromua. Hona joale ke shebile “Batlang Molimo Pele” mona ka pel’ a patsi e ka pele, ha ke hopola Sammy Davidson ke eèna ea e takileng mono lilemo tse ka bang mashome a mabeli a metso e mehlano tse fetileng, ka lehlakoreng le leng ke a kholoa e ngotsoe, “U Tla Qetella Bosafeleng Ba Hao Kae? Nahana!” ‘Me mona hantle e ne e le e—e “Mosali Selibeng,” ’me le, “Daniele Lemeneng La Litau.” Oh, banna! Lintho tse ngata li etsahetse haesale.

² Ha nako e batlile ho ba hora ea bohlano thapama ena ke amohetse mohala oa tšohanyetso limaele tse batlileng ho ba mashome a mararō hole koana naheng, tse mashome a mane tlase mona naheng, oa mosali ea shoang, ‘me ke motsoalle ea thekothata haholo, ‘mè oa Georgie Carter. ‘Me ke tsebile bareri ba le bangata mona ho ema sekheong hofihlela ke khutile. Esale Edith a le mobe haholo, hape. ‘Me re sa le mono, Morena Molimo oa fihla temeng, ‘me Khaitseli Carter o hole haholo le ho shoa. Ka hona, re lebohela hoo haholo.

³ ‘Me joale nako ea tšebeletso ea selallo e atamela ka potlako, ke a kholoa ba tla se jesa ka hora leshome le metso e ‘meli. Le rerile ho se jesa nako mang? [Moena Neville o re, “Nako efe feela, ho tloha joale nako efe ho fihlela ka morao ho mashome a mararō ka morao ho leshome le motso o mong.”—Mohl.] Nako efe feela eo re... Ba tla ja selallo ba bakae bosiung bona, a re boneng matsoho a lôna. Hoo, oh, ho a babatseha. Ke hantle, ke batla ho bua lentsoe kapa a mabeli. Mohlomong ke tla beha tšupanako ea ka mona metsotsso e ka bang leshome, leshome le metso e mehlano, re tla qala selallo. Joale, na le a Mo rata? [Phutheho e re, “Amen.”—Mohl.] Amen. ‘Me ke a tseba le bile le nako e khôlô, ha le joalo na?

⁴ Be, haeba Moena Thomas Kidd a le sieo mona, le Khaitseli Kidd, ho tsoa koana tlase koana Ohio. Ke a kholoa ba ne ba nyolohile. Oh, ke botle, ke kholoa e hatisitsoe ‘me ke tla e fumana. Le a tseba, ha ba tele. Ba matsatsi a ‘maloa feela tlasana ho lekholo, empa—empa ke sona se nkhothatsang, ke ho bona batho ba joalo. Nahana, ke monna oa leqheku, ba ne ba rera Evangelie pele ke hlaha. ‘Me ke ‘na enoa ke monna oa leqheku, ‘me bona, haeba ba sa khone ho tsoa ba utloahatsa lentsoe la bona, ba

nka khatiso ea teipi ba tloha kokelong ho ea kokelong, tlung ho ea tlung, ba bolela Evangel. Ke taba e ntle haholo eo. Amen. Ke hlile ke ba thabetse le bohole ba ileng ba tiisetsa litšebeletso tsena mona.

⁵ Joale, le hopole, re tla e tsebisa joale, ha Morena a ratile, hang feela ha kereke e qetiloe, ho thoe etlaba ka la leshome la Hlakola, khele, rōna, ha Morena a ratile, re batla ho nka bonnyane matsatsi a robeli kapa a leshome, kapa mohlomong liveke tse peli, holim'a *Littiiso tse Supileng* tseo tsa Tšenolo. 'Me re tla romella batho rōna ba etang likarete tsa rōna ka mathoko, ho tsoa lapeng mona, le ho ba tsebisa pele ho nako hore ba khethe haeba ba e tla, be, ehlide re tla thabela boteng ba lōna mona. 'Me mohlomong Morena o tla re baballa ka ponahatso e 'ngoe ea Boteng ba Oona joaloka ha O entse khetlo la ho qetela mohla re ne re phethela *Mengoaha E Supileng Ea Kereke*.

⁶ Ha u batla ho rapella motho, khele, nkhopole linako tsohle, hoba ke 'na ea hlileng a e hlokang. Joale, ke batla ke itšoabel, ho nka metsots e leshome ena, e leshome le metso e mehlano mona, ho bua nthoana pele re qala, empa a re inamiseng lihlooho tsa rōna nakoana feela.

⁷ Morena Jesu, oh, ntoa e tla fela tsatsi le leng, 'me bakuli ha ba sa tla rapelloa, 'me ha ho baetsalibe ba tla baka. Empa, Ntate, e re letsatsi le sa eme tjena, re sebetse leseli le sa chabile ho sebetsa ka lona, hoba ho tla hora eo motho a ke keng a sebetsa ka eona. Joale, nakoana e seng kae feela, Morena, nka ikutloa hampe ha nka hloleha, nka koala selemo sena ke sa bua mantsoe a 'maloa hape. Nthuse, Ntate, ke a rapela, ho bua ntho e tla jala sebete pelōng ea batho ba Hao, re tle re tlohe mona bosiu bona hoba re je selallo, 'me re a elelloa hore matla a teng selallong. Iseraele e jele selallo khetlo la pele tlase Egepeta, ea tsamaea lilemo tse mashome a mane lieta tsa bona le liaparo tsa bona li sa tabohe. 'Me, bathong ba limilione tse peli, ha ho le motho a le mong oa bona ea kutseng mohla ba tsoileng lehoatateng. Morena, re hopole seo bosius bona ha re atamela hora e khōlō ena. Ka Lebitso la Jesu re a rapela. Amen.

⁸ Ha nka bua ka therō eo ke e ngotseng fatše eo ke beng ke tla e qala thapama ena, re ka lula mona ho fihlela hora ea bohlano hoseng. [Motho o re, "Ho tla be ho itōketse."—Mohl.] Empa ke batla ho bala Lentsoe feela ho tsoa . . . ["Ho tla be ho itōketse."] Ke a u leboha. Ho tsoa ho Baefese, khaolo ea 6, temana ea 12, nakoana e seng kae feela joale, ho khotthatsa.

Hobane ntoa ea rōna ha e loane le nama le mali, empa e loana le baholo, le mebuso, le . . . marena a . . . lefifi a lefatše lena, le meeā e bolotsana e libakeng tsa sa leholimō.

⁹ "Meea e bolotsana e sebakeng sa leholimō." 'Me ke rata ho ntša mono therō ea metsots e leshome kapa e leshome le

metso e mehlano, kapa sehlooho, ke rialo, ke batla ho e bitsa: *Petano*. Petano ke teko ea matla. 'Me rōna, moo re tšoarang e... lekang matla. Re ne re tloaetse ho tšoara... Leindia le ne le besa mollo, ba emisa banna ba baliloeng ntlheng *ena* ea thapo, le ba baliloeng ntlheng *ena*, 'me ho qale e—e ntoa-ea-khulano, petano ea matla, lehlakore le hloloang le huloeloa ka nqane ho mollo. 'Me joale re a tseba hoba lintho li ngata, 'me re ka e tšetleha holim'a taba ena metsotso e 'maloa, ea—ea petano, empa ke batla ho bua metsotso ena ka petano e khōlōhali e leng teng ka potlako, eona, e lipakeng tsa Kereke le Satane. Matla a maholo ao a Satane. 'Me re batla ho bua ka matla a maholo a Molimo Kerekeng ea Oona.

¹⁰ Joale, petano e khōlō ena esale e tsoeletse lilemo tse ngata. E qualile Leholidmōng, 'me Satane a rahuoa a lelekela lefatšeng, 'me eaba o fetoha sera sa batho ba Molimo. 'Me, ho tloha mohlang oo, o sebelisitse matla a hae ohle le maqiti a hae ho hulela bana ba Molimo ka nqane ho mello, kapa, kahar'a mello ea hae.

¹¹ 'Me re tseba eo Ea matla a fetisang, ke Molimo. 'Me Molimo, mohla O fang batho ba Oona Ntho e khabane ka ho fetisisa eo A ka loantšang Satane ka eona, e ne e le Lentsoe la Oona. Joale, hobane Lentsoe ke Molimo, 'me ke mang ea matla ho feti Molimo? Ka hona, Lentsoe ke Molimo, 'me Lentsoe le fetoha matla a rōna. Molimo kahar'a Kereke, o fetoha Matla a eona ho hulela Satane kahar'a mello ea hae ka sebele eo a e besitseng. 'Me khulano e tsoelapele. Joale, Jesu o boletse, ho Mareka 16, "Ka Lebitso la Ka ba tla leleka batemona."

¹² Joale, ke tseba maele a khale a batho, kapa, maele a khale a teng... 'me ha se a khale haholo, le hona. Batho ha ba lumele bademonia letsatsing lena. Empa ntho e ka etsoang, ho latela mohopolo oa ka, ke ho tseba sera sa hao. Le—le ho tseba sera sa hao, le ho ikoetlisetsa petano eo u tlang ho e kenela mohla u kōpanang le sona, hobane u tla kōpana le sona. Le ho mo tseba, ho tseba lintho tsa hae... ho tseba seo matla a sona e leng sona, le ho ikoetlisetsa petano ena mohla u kōpanang le eëna. Hobane ntho e le 'ngoe e tiileng, u tlli'o kōpana le eëna, 'me ka baka leo u ikoetlisetse petano.

¹³ Joale, ho ikoetlisetsa petano ho joaloka ralitebele. Sera sa hae—sa hae seo a tla kōpana le sona kantle mane petanong, ho loana, ka tloaelo seloani sa makhonthe se khabane se a tseba 'me se ithuta ea hlolisanang le eëna. O ithuta tlhaselo ea hae, ho tseba moo a loanelang teng, haeba a sekamela pele, a sekamela morao, o loana ka letsoho le letona kapa o leqe. O ithuta lintho tsena tsohle. 'Me haeba e le seloani se hloahloa, se masene, o ikoetlisa le molekane ea tla loana joaloka mohlolisane oa hae hantle, hobane o tla be a tseba lithhaselo tsohle tsa hae mohla a fihang mono.

¹⁴ 'Me ke nahana e le bokhabane ho Bakreste ho etsa joalo. Ke hantle. 'Me joale ha u batla ho qala koetliso, qala ka Johanne

3:16, Molao oa Gauta. Qala hantle ka ntho eo, 'me e tla u hahela motheo. 'Me hape u ikoetlisetse e—e litebele tse kakalatsang, hobane u tla tlameha ho li sebelisa. E mong le e mong o tseba seo. U tlameha ho ikoetlisetsa ho otla sera sa hao. 'Me kamehla, Molimo o sebelisa Lentsoe la Oona. Re tšoanelia ho hopola hobane Molimo o sebelisa Lentsoe la Oona ho fekisa sera sa Oona. Holane Molimo o ka be o nahanne kapa o ka be o file batho ba Oona ntho e fetisang ho hlola sera ka eona, O ka be o e entse. Joaloka ha ke buile kamehla, "Molimo ha o etsa qeto, ke e khabane ho fetisa e leng teng. Ha O a tlameha ho fetola liqeto tsa Oona." Ka hona qeto ea pele eo Molimo o e neileng batho ba Oona tšimong ea Edene, ho khahlana le sera, e ne e le Lentsoe la Oona. Ba ne ba hahetsoe qhosheane ka Lentsoe la Oona.

¹⁵ 'Me joale sera se ttil'o ithuta e... maqheka a rōna ka Lentsoe. 'Me, joale, Satane o ne a ithutile hoo hohle ka ho phethehileng ho fihlela, mohla a ttileng ho Eva, keha a tšoere e—e leano le fetisang ho le sebelisa holim'a hae, e ne e le ho behela Lentsoe mabaka. Joale, le ka mohla ha u batle ho behela Lentsoe la Molimo mabaka. Le lumele feela. Se leke ho Le hhalosa. Se leke ho Le akanya. Joale, u ke ke ua qhaqholla Molimo, ka hona Molimo ke Lentsoe, 'me Le etselitsoe ho lumeloa feela. 'Me ke ona Matla a rōna ao, amohela Lentsoe feela. 'Me mang le mang o tseba peō efe e mobung o lōkileng e tla hlahisa ea mofuta oa eona. 'Me re nka Lentsoe feela.

¹⁶ 'Me, joale, Eva a qala a khefutsa ho beha mabaka, ha a ne a... o ile a mo qotsetsa Lentsoe, ho thoe, "Molimo o itse, 'Le se ke la se ja, hoba mohla le se jang' le tla shoa mohlang oo."

¹⁷ 'Me Satane ha a hanana le eēna. O itse, "Ruri, ke hantle." Empa o itse, "U a bona, u hloka Leseli le lecha." Nthoana e batlang e fapane le seo Molimo o se buileng. "'Me ha u ka e etsa, u tla hlalefa ho feta. Mahlo a hao a tla tutuboloha."

Empa o itse, "Be, Molimo o itse re tla shoa."

¹⁸ A re, "Oh, ehlile..." Le a bona, ke moo, hakaalo feela, "Ruri le ke ke la shoa." Empa Molimo o itse le tla etsa joalo, 'me ho lutse joalo! 'Me hoo—hoo ho robile ntoa-ea-khulano e khōlō eo mohlang oo, eaba morabe oa motho oa huleloa lefung, hobane Eva o mametse mabaka khahlano le Lentsoe la Molimo. Joale, ke lihlong ha a entse hoo, empa e se e fetile. Empa joale re sa ntse re hahetsoe qhobosheane, 'me lehokelo leo le entsoe ka ho Kreste Jesu. Re tseba seo. Molimo o re etselitse tšireletso e khabane, ke ho tšepa Lentsoe la Oona feela.

¹⁹ Le a tseba, 'me bongata kajeno bo re ntho e kang diabolosi ha e eo. Ba lumela e le mohopololo feela. Ba lumela hoo. 'Me ba teng batho ba lumelang ha—ha—ha Moea o Halalelang e le mohopololo o motle, athe diabolosi ke mohopololo o mobe. Empa ha u ka lemoha, Bibele ha e bua ka Moea o Halalelang, O itse, "Mohla Eo Moea o Halalelang a ttileng." 'Me "Eo" ke leemeli la motho. Le a bona?

Ka hona, Eo, Ke Motho. 'Me diabolosi ke motho. Le mademona ke batho. E, ke bademona, 'me ba—ba tla ka litsela tse ngata. Empa ba nahana hore ke mohopolo oa mehla-ea-khale.

²⁰ Monna o mphehisitse khang mona liveke tse 'maloa tse fetileng. A re, "Na u tseba seo u se etsang? U cheha likelello tsa batho bao ho nahana ntho e 'ngoe ha u ba bolella ntho eo. Ke ho fetola mohopolo feela."

²¹ Ke thulane le ntho e joaloka eo India khetlo le leng, mohla re bokaneng mono le banna ba halalelang bao, ke lumela e le letšoele le leholo ka ho fetisa leo nkileng ka bua le lona, letšoeleng le le leng le emeng, la batho ba etsang halofo ea milione, eaba ke e tšoara ka temoho ea Moea. 'Me ba bone Moea o Halalelang o bitsa batho, o ba qoholla, kantle matšoeleng, ho ho boleloa lintho tse fapaneng, le ho tšoara mohopolo oa bona. Bo-Raja le banna ba halalelang, ba itse, "O ntse a bala mohopolo oa bona."

²² Ka hona nakoaneng, hoba ho fete ba bahlano kapa ba tšeletseng moleng oa thapelo, eaba ho fihla monna oa sefov. 'Me a foufetse ka botlalo, 'me mahlo a hae a soeufetse joaloka hempe ea ka. 'Me ka re, "Joale monna oa sefov ke enoa, mang le mang a ka bona hobane o foufetse." 'Me ka re, "Holane nka mo thusa nka etsa joalo, empa nka e phethisa ka neo feela, mohlomong ho bolela seo a se entseng; 'me hoo ho ka fana ka mohopolo hore haeba Molimo o tseba seo a se entseng, ruri O ka tseba seo a tlang ho se etsa." Ka hona ka re, "Joale, ha ke mo sheba," ka re, "joale, ke mokhumameli oa letsatsi. O se a foufetse lilemo tse mashome a mabeli." 'Me, hoba toloko e bolele joalo, e ne e nepahetse. Ka re, "Ke monna ea nyetseng. O . . . mohatsa'e o batla a le monyenyan, 'me o na le bara ba babeli, tsa e mong li ka supa, e mong a ka ba tse robong." E ne e nèpile hantle. Ha ba ha bitsa mabitso a bona, seo e neng e le sona.

²³ Eaba kantle har'a letšoele, moo batho ba lutseng teng, ha kena leqhubu leo, "Ke taba ea kelello, ke ntho e batlang e tšoana le—le botsebi ba ho bala mohopolo."

²⁴ Ka ntoo nahana, "Morena, ha U ka nthusa. Ke—ke hloka thuso ea Hao, Morena. Batho bana ba leka ho e hlophisa joaloka bokhoni ba ho bala mohopolo. 'Me ha se bona, 'me U a e tseba, Morena." Koana, ke ne ke ba file Lengolo moo Jesu a boletseng A sa etsa letho pele Ntate a Mo bontšitse. 'Me hape, ha ke retoloha ho sheba monna hape, ka 'mona a le holingoana feela mono ponong, mahlo a hae a lôkile joaloka a ka. Ka nahana, "Joale ke nako."

²⁵ Ka re, "Monna enoa ke mokhumameli oa letsatsi, joale, 'me o foufetse." 'Me ka re, "Joale, bo . . . Baprista ba Mohammedane ke bao, 'me e—e baprista ba ma-Sikhs ke bao, ma-Jains, le litumelo tsa mefuta e fapaneng, Buddha. Joale monna enoa o batla ho buselatsoa pono ea hae. Joale, le ka re o—o khumametse popo

sebakeng sa 'Mopi. Ke lumela seo, le 'na. Empa re lutse mona bosiung bona." Ka re, "'Me re se re . . . kajeno ke ile ka amoheloa tempeleng ea ma-Jains moo ke hlonngoeng lipotso ke litumelo tse fapaneng tse leshome le metso e supileng, 'me e 'ngoe le e 'ngoe e le khahlano le Kreste, e 'ngoe le e 'ngoe!"' Me ka re, "Joale, 'me banna ba bangata har'a lōna le ne le theohetse mono. Joale, haeba Kreste a fositse, monna enoa o batla ho lōka, 'me ruri Molimo oa tlhaho O entseng lefatše etlaba Oona feela O ka mo buseletsang pono ea hae. Taba eo e a utloahala." Me ka re, "Joale, motho mang har'a lōna, mona tumelo ea Mohammed e eteletse pele, efèla ha moprista oa Mohammed e a ka tla mona a buseletsa monna enoa pono ea hae, ke tla sala Mohammed e morao, kapa ha moprista oa Buddha a ka tla mo buseletsa pono ea hae. Empa a Molimo O mo bopileng, Molimo, Molimo oa motho ea itseng kae-kae, hoba eka khona ho be joalo, re ke ke ra fumana popo kantle ho 'Mopi. 'Me ho tla qosa 'Mopi ho bopa pono mahlong ana. Joale o se a foufetse lilemo tse mashome a mabeli ka baka la ho sheba letsatsi, a nahana hore o tla ea Leholimōng ka ho etsa joalo. Monna o e entse ka ho hloka temoho." Ka re, "Lōna baprista ba Buddha le ka etsa'ng? Le ka fetola mokhoa oo a nahangan ka ona feela. Le tla re o fositse." Ba khumamela baholo ba bona ba hlokahetseng. Me ka re, "Joale, le ka mo hopola a le joalo, le ka re o ne a fositse, empa le ka etsa'ng? Le ka fetoha kamoo a nahangan kateng." Me ka re, "Ebe Mohammedane a ka etsa'ng? Ho fetola mokhoa oo a nahangan. Ma-Sikhs, ma-Jains, le joalo-joalo, ho fetoha kamoo ba nahangan kateng."

²⁶ Ka re, "Re fumana ntho eona eo United States. Momethodise eohle e batla ho fetola Mabaptise ohle Mamethodise, 'me Mopentekosta o batla ho nka Mamethodise kaofela a ba fetole Mapentekosta. Ke ho fetola mohopol. Empa ha se seo re buang ka sona. Re bua ka Molimo, 'Mopi." Me ka re, "Ruri 'Mopi a ka bua." Me, joale, nka be ke sa rialo hola pono eo e sa hlaha mono, ho hang. Joale ka re, "Joale, haeba Eo, a re lumelleng Eo e leng Molimo, ho tla tla mo buseletsa pono ea hae." Me ka re, "Joale ke qholotsa moprista ofe kapa Raja, kapa monna ea halalelang kapa seo e ka bang sona, ho tla tla mo buseletsa pono ea hae, 'me 'na ke tla sala filosofe ea lōna morao, le se le sokolotse moea." Me e ne e le sehlopha se khutsitseng ho fetisa seo nkileng ka se utloa. Le a bona? Ha ho motho ea e entseng.

²⁷ 'Me ka re, "Le khutsisoa ke'ng hakaale?" Ka re, "Lebaka la lōna, ke hobane ha le khone ho e phethisa, le 'na ke a sitoa. Empa Molimo oa Leholimō O tsositseng Mora oa Oona Jesu Kreste, rōna re mohlanka oa Hae, o sa t̄soa ntlhahisetsa pono e reng monna enoa o tla buseletsa pono ea hae." Le a bona? Ka re, "Joale, haeba ho se joalo, le ka nteleka ho tsoa India. Empa haeba ho le joalo, e mong le e mong oa lōna o namile ho Jesu Kreste ka bophelo ba hae. Ke batla ho le botsa, ba bakae ho lōna ka

mona ba ka nehang Kreste bophelo ba bona ha monna enoa oa sefofu a ka buselsoa pono ea hae? Le bona baprista ba lōna, ha ho ea nyolohelang mona. Hobaneng ba sa tle, haeba ba le boleletse borapeli ba bona bo le boholo hakana 'me bo phahame? Hobaneng motho e mong a sa tle 'me a bua taba?" Ha ho motho ea tlang. Ka re, "Ha ho le joalo lōna batho ba kantle mane, haeba le bona monna enoa oa sefofu ea emeng mona . . ."

²⁸ 'Me eaba ho nyoloha ngaka ho hlahloba mahlo a hae. A tsokotsa hlooho ea hae, a re, "O foufetse."

²⁹ 'Me ka re, "Ehlile, o foufetse." Empa ka re, "Haeba . . ." 'Me ha Molimo o ka mo buseltsa pono ea hae, ba tla sebeletsa Jesu Kreste har'a lōna ba bakae?" 'Me ho fihla bohole boo nka bo bonang, leoatle la matsoho a matšo. Ho retolohela ho monna, le ho re, "Morena Jesu, ho ke ho tsebjoe hobane U Molimo." Monna a mphamola ka molala, 'me mono ho lutse ramotse oa Bombay, a mo phamola ka molala, a bona joaloka motho mang le mang.

³⁰ Ke eng? Ehlile ke—ke matla! Molimo ke Molimo, 'me Satane ke Satane! Haeba u sa lumele ho diabolosi . . . Mohla ke ne ke qala pele, ke—ke khahlana le eēna letsatsi ka leng. Le se ke la re ho 'na ha ho diabolosi, hobane ke tseba hantle ho feta. Ke t̄soanelā ho mo loantsa letsatsi ka leng. Ka hona ke a tseba hore ho na le—ho na le diabolosi. 'Me u tlameha hore u be u koetlisitsoe ha u kōpana le eēna. E seng ho koetlisoa saek'holojing, e seng ho koetlisoa thutong; empa ho koetlisoa ke Moea o Halalelang; matla a Molimo Lentsoeng la Oona ho Le bonahatsa. Tseba sera sa hao. Oh, ke ntho e khopo hakakang!

³¹ Nka rata ho khefutsa mona ho phaella holim'a ntho eo, ho khuttlela morao ke lohana le Bibele ho le bontša monna morao mane ea kōpaneng le eēna sefahleho le sefahleho. Kamoo petanong ea bona khahlano le sera, ba ileng ba itinketsa ka Lentsoe la Molimo. Nohe o bone boiphihlelo ba eona, 'me o tsebile Molimo o 'moleletse pula e tla na. 'Me petano e lipakeng tsa Lentsoe la Molimo le saense ea t̄soarana: Saense e re, "E ke ke ea etsahala." Molimo o itse, "E tla etsahala." Amen.

³² Ntho eo e sa le teng kajeno. E tla etsahala! Ehlile e a etsahala! Bademona ba teng! Empa Jesu o a ba leleka, 'me O file Kereke ea Hae matla ho etsa joalo, "Ho leleka bademona ka Lebitso la Ka!" O lelekile bademona ba supileng ho mosali e motle tsatsi le leng. 'Me O itse, "Moea o litšila ha o tsoile mothong, o itsamaela libakeng tse cheleng, o ntano khutla, o khutla le bademona ba bang ba supileng le ona." Joale, hoo ho supa hobane motho ha a hloekisitsoe bademona, ntho e teng e tsoileng ho eēna. Diabolosi o ne a tsoile! Joale, eitseha diabolosi a tsoa, Molimo oo . . . ho fa Molimo monyetla ho kena. Ka hona, 'me ha a tsoa, ho lumella Moea o Halalelang ho kena. U se ke ua e tlohela moo feela. Haeba u baka libeng tsa hao feela le ho tsoelapele, u tla mpefala ho feta le ka mohla. Empa tlatsa tulo eo Satane a kileng a phela ho eona,

e tlatse ka Moea o Halalelang oa Molimo, 'me u tla fua matla a Lentsoe la Molimo ka ho uena, a bonahatsoang, le ho leleka bademona. Petano e tšoarane. Maselī a mantsiboea a chabile. Moea o Halalelang oa Molimo o teng.

³³ 'Me joale e batla e le—e batla e le metsotso e merarō pele ho butšoeloa liphala, 'me e tla ba khitla ea bosiu. Ka hona ha re tloha moahong ona, ho ea libakeng tsa rōna tse fapaneng le malapeng a rōna, le ho kōpana le ba kantle, le ho kōpana le lefatše, re se ke ra tsoa joaleka mehleng ea pele. A re keneng ka matla a tsoho ea Hae. A re tloheng ka Lebitso la Jesu Kreste, folaga e phahamiselitsoe holimō, le ka tumelo Lentsoe la Oona, ho tsoara Sabole e leolitsoeng nqa tse peli, ka thebe le ka ho apara lihlomo tsohle tsa Molimo, ho kōpana le sera, hobane o ntse a ipha matla 'me a natlafala letsatsi le leng le le leng. Ha—ha sera se kena joaloka sekhhohola, Moea oa Molimo o emisa folaga khahlano le sona. Haeba re tlameha ho fihla qetellong ea lintho tsena tseo re... 'me liphiri tsa Molimo li phethiloe ho rōna, re shebeletse matla a eketsehileng ho feta, matla a hloibilang, ho kōpana a...matla a mabe ho feta, a tlang ho hloibila Kereke le ho e kenya Khanyeng. Re tšoanelā ho a fumana. A re kōpaneng le '63 ka qholots, ka mokhoa oo, re basebeletsi ba Molimo o phelang! Le joaloka Shadrake, Meshakele Abedneko ba mehleng, re ke ke ra khumamela bademona ba lefatše lena 'me ra khutlisa ntho ena eo re buileng ka eona, empa a re hatelleng ntoa ka matla.

³⁴ Ke a utloa bosius bona, ha re mamela liphala tsena, ntho e kang e entsoeng ke Davida bosiu boo ba matsoalo bo chesang mohla a robetseng tlas'a lihlahla tsa monokotšoai, 'me sera se raositsoe. E tšoanetse e be ebile hora ea tonana ho Davida! Nako e kakang ho eēna a sa robetse mono! A tsebe ho nka khato, a sa tsebe seo a ka se salang morao, hobane o tsebile ba mo feta ka palo. Empa, hang feela, a utloa molumo oa Sefefo o haola holim'a lihlahla. A tseba hobane Molimo o mo eteletse pele, 'me a kena ntoeng. Ke utloa ntho e kang eo bosius bona, ka morao ho Molaetsa oa maobane bosui, ke robetse lihoreng tse lefifi le fetisang tseo nkileng ka tobana le tsona bophelong ba ka le ka mohla. Ke ikutloa joaloka Esaia tempeleng hoba a bone mangeloi ao, ke motho ea melomo e sa hloekang, 'me ke ahile mahareng a batho ba melomo e sa hloekang. Empa mamela, ke—ke... Ke tlameha ho tobana le eona ka mokhoa o itseng, 'me, ntho feela e leng teng, ke emetse ho utloa mohoasa oo lihlahleng tsa monokotšoai, ho ea khahlana le sera leha se ka ba kae. Molimo re thusē ho etsa joalo.

³⁵ 'Me joale ke a kholoa ke motsotso o le mong pele ho hora ea leshome le metso e 'meli. 'Me '62 le tsohle tsa eona tse fetileng, re e lumelle e fete.

³⁶ A re emeng ka maoto a rōna joale, mang esita le e mong le e mong oa rōna. Petano e khitlane. E mong le e mong oa

lōna . . . Pauluse o boletse, "Ho lebala lintho tse leng ka morao," liphoso tsohle tsa rōna tsa ngoahola, "ke hahamalla pheo ea pitsō e holimō." Liphoso tsohle tsa ka tsohle tseo ke li entseng lilemo tsena tsohle, ntšoarele tsona. Molimo, ntšoarele. Kereke, ntšoarele. Le tsebetso eo ke—ke hlollehileng ka eona, ke a utloa; Molimo, ntšoarele eona. Kereke, ntšoarele liphoso tsa ka. 'Me ke hahamalla pheo ea pitsō e holimō ka ho Kreste Jesu. Hore moso oa hosasa o tšoere eng, ha ke tsebe, empa ke tseba Ea tšoereng 1963.

³⁷ Ha re phahamisetseng matsoho a rōna ho Molimo joale 'me re rapele ka mokhoa oa rōna, re sa ntse re ipolela, re kōpa Molimo ho re thusa isao ena.

³⁸ Ntate oa Leholimo, re sa eme mona, ho shoa mehopolo e mengata lipelōng tsa rōna, ea liphoso tsa selemo se fetileng, 'me ha re atamela lefu la '62 le tsoalo ea '63, Oho Molimo, re ke re hloelle khato e 'ngoe e holingoa lereng, hofihlela re ka bona Jesu lenaneong la Hae. E mong le e mong mona, Morena, o a rapela, e re selemo sa khale se sa shoa, 'me tsoalo e ncha ea selemo se secha e tla kena, motho oa khale oa sebe le ho se lumele ho shoe ka pelōng ea rōna, 'me Tsoalo e ncha e kene 'moho le 1963, e ka moea o fokang, ka Sefefo o tlang ho tlatsa botho ba rōna le ho re etsa babopua ba bacha ka ho Kreste.

³⁹ Re fetole bahlaka ba tšoaneleheng. Tšoarela lintho tsa rōna tse fetileng. Hlohonolofatsa bokamoso ba rōna. Re tataise, Oho Morena Molimo, ka letsoho la Hao le matla, Jehova. Hlohonolofatsa bareri bana mona. Hlohonolofatsa phutheho eohle, baeti bohle. Eba le rōna Uena, Morena. Re bahlanka ba Hao 'me re inehela ho Uena ka bottlalo bakeng sa 1963, hore matla a Moea oa Hao a tle a inkele litulo tse kapele ho feta bophelong ba rōna le bothong ba rōna. Re thus, Molimo. Re tšoarele le ho re thusa, re a rapela. Hlahisa banna ba linatla! Hlahisa bahale ba linatla ba Tumelo! Bula monongoaha, Morena, Manna ao a patiloeng, Lefika leo le leng katlas'a lefika, re tle re bone lenaneo la Molimo. Rulela lipiramide tsa bophelo ba rōna, Morena; hloma Lejoehloro, Kreste Jesu, holim'a e mong le e mong oa rōna. Borena bo boholo ba Hae, mahlohooniolo a halalelang a lule holim'a rōna bohle. Mollo oa Moea o Halalelang o theohele holim'a rōna. Matla a tsoho a bonahatsoe. Molimo, re a U leboha hakakang, bosuing bona. Re ba Hao. Re inehela ho Uena ka bottlalo, Morena.

⁴⁰ Ha ke tloha ke ea koo, ke sa tsebe kae kapa joang, kapa seo ke tlang ho se etsa, ke tsepile Uena, Molimo o Matlaohle, hore U tla ntataisa, mohlanka oa Hao oa mohlolehi, ke tle ke sebelisetsoe tlotla le khanya ea ea Matlaohle. Aba sena, Ntate.

⁴¹ Amohela lithapelo tsa rōna. Hlohonolofatsa maiteko a rōna. Folisa bakuli le ba hlokofetseng, moeeng le nameng. Le ho re etsa bahlanka ba Hao. Rōna re letsopa, U Sebopi. Re bopelle, e mong

le e mong, ka mokhoa oa Hao ka Sebele, re tle re khohlele ho Kreste Jesu, joaloka setho sa 'Mele oa Hae. Hoba re e kōpa ka Lebitso la Jesu, le bakeng sa Hae le bakeng sa Evangel. Amen hape amen.

[Moena e mong o bua ka leleme le sele. E mong o a fetola—Mohl.]

⁴² Ke a U leboha, Ntate, Molimo. Re U leboha ka khotatso ena ea Selemo se Secha e re romelang ka litšepo le ka matšeliso a ho tseba ka ho bua mantsoe ana ka banna bana ba neng ba sa tsebe, hore Molaetsa ke 'nete, 'me U re kōpa ho ema holim'a Ona. Re tla etsa sohle seo re se tsebang, Morena, ho emela Uena le Lentsoe la Hao.

⁴³ Re amohele ka Lebitso la Eèna Ea re rutileng bohole ho rapela ka mokhoa ona, [Moena Branham le phutheho ba rapela 'moho—Mohl.]: "Ntata rôna Ea Leholidöng, Lebitso la Hao le khethehe. Ho tle 'Muso oa Hao. Thato ea Hao e etsoe lefatšeng, joalokaha e etsoa Leholidöng. U re fe kajeno bohobe ba rôna ba letsatsi le leng le le leng. 'Me u re tšoarele melato ea rôna, joalokaha re tšoarela ba nang le melato ho rôna. 'Me u se ke ua re isa molekong, u mpe u re loele bobeng; hobane 'Muso ke oa Hao, le matla, le khanya, ka ho sa feleng. Amen."

⁴⁴ Morena a le hlohonolofatse 'me a le boloke. Empa bao ba tšoanelang ho ea malapeng a bona joale... Joale ke metsotso e mehlano ka morao, ke metsotso e mehlano ka har'a '63. Joale Molimo o ke o le hlohonolofatse. 'Me—'me lôna ba batlang ho salla selallo, le amohetsoe ho sala, re tla thabela ho ba le lôna. Ha se selallo se koetsoeng, se bakeng sa molumeli e mong le e mong ea entseng setsoalle le Kreste. U amohetse ho sala le ho ja selallo le rôna. 'Me lebakla la rôna ho etsa sena ke hobane e le ntho ea pele, re qala leeto. 'Me Israele, pele ba qala leeto la bona, ba hlabile konyana 'me ba ja meroho e babang, 'me ba qala leeto la bona. 'Me ke ile ka nahana, "Sena se tšoaneleha hakakang bosiung bona!" Konyana e hlabiloe, E lôkisitsoe, mokete, 'me ke khitla ea bosiu. Ke mohla ba ne ba ejá, le a tseba, ka khitla ea bosiu. Ka hona ha re etseng hoo. Lôna ba batlang ho sala le rôna le ho itôkisetsa leeto le ka tla, le kapele, re tla thabela ho ba le lôna. Molimo a le hlohonolofatse.

⁴⁵ 'Me lôna ba tlamehang ho tsamaea joale, le ka ea malapeng a lôna, 'me Molimo a be le lôna hofihlela re kōpana hape. Amen. Lôna ba bang le ka lula fatše 'me re tla qala selallo. Khaitseli o tla... Ke hantle, monghali.

Ho fihlela! re kōpana!
Maotong a Jesu re kōpana; (ho fihlela re
kōpana)
Ho fihlela! re kōpana!
Molimo o le sitse re be re kōpane!

⁴⁶ Ha re se bineng hape sa emetse, le a tseba, bao ba tsoang. Ho tle ho khutse, 'me ena ke ketso e mahlonoko haholo. Ke tla bala lethoana Lengolong mona nakoana le hlileng haholo, haholo, le le monate haholo. 'Me joale ha re se bineng hape.

Ho fihlela! Re . . .

A re tsukutleng matsoho le motho e mong. Ha phoso e le teng bophelong ba hao, motho eo u mo foselitseng a le teng mona, e-ea ho bona joale u e lōkise.

Ho fihlela! re kōpana!

Molimo . . .

Na seletsi sa piano se ka tla pianong, hle?

. . . le lōna re be re kōpane!

Ho fihlela re . . .

Re be re kōpane!

Molimo a u sitse re be re kōpane!

Molimo a u hlohonolofatse, moena.

O a u hlokomela,
O a u hlokomela;
Letšeħareng kapa liriting,
O a u hlokomela.

A re se bineng hape.

O a u hlokomela,
O a u hlokomela;
Letšeħareng kapa moriting,
O a u hlokomela.

⁴⁸ Ha se monate? A re se bineng hape ba sa ntse ba ngotla mohoasa.

O . . . (koala mahlo a hao feela) . . . ho uena,
O a u hlokomela;
Letšehareng kapa moriting,
O a u hlokomela.

⁴⁹ Ntate oa Leholimō, re thabile haholo haele moo re fumane hoo e le 'nete, lihoreng tsa rōna tse lefifi le opaneng kapa letšeħareng, ha A re tlohele le joalo ha re furalle. Re thabile haholo ka seo re se nang le sona, litšepto tsa rōna ha li a hahuoa holim'a letho haese Mali a Jesu ka ho lōka. Re tsepētse, Morena, e seng holim'a botumo ba lefatše lena. Re tsepētse, re se leke ra tsepētse moralo oa botumo, haese ho itsetleha ka Lebitso la Jesu ka botlalo. Kamoo re U lebohang, Ntate.

⁵⁰ Joale re mothating oa ho nka kabelo ho e 'ngoe ea—e 'ngoe ea litšoanelo tse 'maloa tsa tlhaho tseo U re sietseng tsona. E ngoe ea tsona ke kolobetso, e 'ngoe ke selallo, 'me e latèlang e ne e le hlatsuo ea maoto. Oho Molimo, re kena re le mahlonoko, ho tseba hobane Konyana ena ke Konyana ea paseka. E—e leeto le leholo la lehoatata le ne le robetse feela ka pel'a bana. Mali a tšoanelo ho tlotsoa holim'a kosene ea monyako, pele ho ka jeoa konyana ea paseka.

⁵¹ Molimo, hlahloba lipelō tsa rōna joale. Na ebe Mali a teng mono, Morena? Haeba a le sieo, re rapela hore—hore U a tlotse hona joale feela, ho tlosa libe tsa rōna le ho li koahela, 'me li tla hlahloa ho rōna, Morena, libe tsa lefatše lena, re tle re halale 'me re lōkele ho hlahisoa ho Ntate oa rōna joale nakong eo re tlelang ho amohela e—e 'mele le Mali a tšolotsoeng a Konyana ea rōna, Mora oa Molimo, Mopholosi oa rōna. Hlahloba lipelō tsa rōna re sa bala, Ntate, 'me u ntano re etsa ba Hao ka Sebele. Hoba re e kōpa ka Lebitso la Konyana, Jesu Kreste. Amen.

⁵² Ka har'a Buka ea—ea Bakorinthe, khaolo ea 11, ke rata ho bala litemana tse 'maloa, ho qala ka temana ea 23 ke bala sena. Ke Pauluse ea buang le kereke ea Korinthe.

Hobane 'na ke amohetse ho Morena seo ke le neileng sona, Ke hoba Morena Jesu ka bosiu... a ekiloeng ka bona o ne a nke bohobe:

'Me hobane a ise a lebohe, a bo ngoatha, a re, Nkang, 'me le je: hona ke 'mele oa ka, o robeloang lōna: le etse hoo le tle le nkhopole ka hona.

Ka mokhoa o joalo a nka senoelo, 'me hobane a lalle, ho nka senolelo, empa hobane a lalle...

Le ntšoarele. E reng ke le bale hape.

Ka mokhoa o joalo hape a nka senoelo, 'me hobane ho lalloe, a re, Senoelo sena ke selekane se secha maling a ka: etsang hoo ho hopola, kamehla ha u enoa sena, le tle le nkhopole ka hona.

Efēla mehleng eohle ha u ejá bohobe boo, 'me le noela senoelong sena, etlaba le bolela ke hona lefu la Morena a tle a be a fihle.

Ka baka leo mang le mang ea jang bohobe boo, kapa ea noelang senoelong sa Morena, ka mokhoa o sa tšoanelehang, o tla ba le molato oa 'mele le oa oona mali a Morena.

Ka baka leo motho mang le mang a itekole ke hona, 'me joale e be hona a jang bona bohobe bona, a noelang senoelong sona sena.

Hobane ea jang le ea noang ka mokhoa o sa tšoanelang, o itjella o inoella tsuo, hobane ha a lemohe 'mele oa Morena.

*Ke ka baka le ba kulang le ba fokolang ha ra lōna, . . .
bangata ba se ba bile ba shoele.*

*Hobane hoja re ka ikahlolola, ke moo re ka beng re sa
ahloloe.*

*Empa ha re ahloloa, re lauoa ke Morena, re tle re se ke
ra tsuoal le lefatše.*

*Ha ho le joalo, bana besō, ha u phuthehela ho ja, le ke
le letane le e mong.*

*'Me ekare ha e mong a lapa, a no ja hae; u tle le se ke
la phuthehela tsuo. Haele ka tse ling ke tla li lōkisa ha
ke se ke fihlile.*

⁵³ Ha ke nahana taba ena, nako e mahlonoko ho fetisa! Ho boetse ho ngoliloe ho thoe khetlo la pele ha selallo sena se ne se abjoa, le hlatsuo ea maoto . . . eona re tlameha ho e tlola bosius bona, hobane ha re na metsi. Metsi ohle a koetsoe, 'me ha re a baballeloa lihloko tsa matloana bosius bona, kaha ba ile ba tlameha ho e tšoarisa ka bokhoni ba bona, re tle re tšoare tšebeletso ena bosius bona. Empa re tla leka ho etsisa bao, ho boletsoe, ke a kholoa Luka o boletse, ho itsoe "Ba bina thoko ba tsoela kantle." Empa na le a tseba hore sena se tšoantšang? Na le a tseba, tšimolohong, khetlo la pele ha taelo ena e phethisoa Israeleg, tlase Egepeta, ba ne ba le leetong la bona le eang lefatšeng la pallo. 'Me ke sona seo re se utloang bosius bona, re tseleng e habileng Lefatšeng la Pallo. 'Me leeto le ka pel'a rōna.

⁵⁴ 'Me ba ne ba tšoere letšoao, etlere ha lengeloi la lefu le fihla, mali a be a lutse monyako, ho seng joalo mora oa letsibolo kapa ngoana oa letsibolo ka tlung o a shoa. Mohopolo e ne e le ona, le moelelo oa mannete, e ne e le ho tšasa mali pele. Na le lemohile kamoo Pauluse a e behileng kateng mona? "Ea jang ka mokhoa o sa tšoanelang, o itjella o inoella tsuo, hoba a sa lemohe 'mele oa Morena," e bolela ntho e tšoanang, hore lefu, lefu la moea, le holim'a motho ea jang selallo sa Morena ka mokhoa o sa tšoanelang. Ea tla beng a etsa hoo, o noa kantle koana 'me o itšoara joalo, o phela joaloka lefatše, a ntano tla tafoleng ea Morena. Ha re a lokela ho etsa hoo. Joale a re hloekiseng lipelō tsa rōna 'me re hloekise matsoho a rōna ho . . . le likello tsa rōna mehopolong e mebe, re tle re tle tafoleng ea Morena, ka tšabo le ka khalalelo, kaha re tseba re ikhomahanya le Sehlabelo sa rōna, Kreste Jesu, Ee e leng pholoso a inotši.

⁵⁵ 'Me joale, bosius bona, mokhoa oo re e sebetsang kateng, e mong oa baholo o ema mona, Moena Zabel. 'Me ke nahana, Moena Zabel, bosius bona, haeba u ka bitsa ho tsoa kalaneng pele, e le hore batho bana ba qale kalaneng ba fole mola oa lōna oa pele mona, ka kōpo. Joale, Moena Zabel o tla le laola, ke nakoana feela, hang hoba re hlohonolofatse selallo.

⁵⁶ Bohobe bona ba kosha, bo entsoe ke Bakreste. Ke bohobe bo sa lomosoang. 'Me ha u ka e lemoha, ha u bo kenya molomong oa hao, bo makukuno haholo, ho isa ho babeng. Bo masoebe bo robiloe, bo tsoakantsoe, ke ho re bo robiloe, e leng 'mele oa Morena Jesu oa rōna o pshatliloeng. Oh, ha ke e nahana, ekare pelō ea ka e a kaba-kaba! Ha ke nahana hore O ile a tsoakoa a tetekoa a otloa, Mora oa Molimo ea se nang molato! Na letseba lebaka leo A entseng hoo? Hobane ke ne ke le molato. 'Me O fetohile 'na, moetsalibe, e le hore 'na ka Sehlabelo sa Hae ke nke setšoano sa Hae, mora oa Molimo. Sehlabelo se se kakang!

A re inamiseng lihlooho tsa rōna.

⁵⁷ Molimo o Halalelang ka ho fetisa, ke tšoere sejaneng sa metale bosiung bona, bohobe bona bo lekanyang 'mele o robiloeng oo, o tsoakiloeng, o tetekiloeng, o otliloeng oa Morena oa rōna, teng moporofeta eo o hooelelitse, "Athe o hlabetsoe melato ea rōna, a tetekoa ka baka la makhopo a rōna, kotlo e re tlisetsang khotsotso e Mo oetse holimō, 'me re folisitsoe ka maeuba a Hae." Oh, kamoo re hopolang seo, Morena! Ke sa ntse ke iketsa setlama le Sehlabelo seo bosiung bona, le mokhupi ona ka ho tšoana, Morena, ho Sehlabelo seo, re ke re hopole Morena oa rōna, lefu la Hae le chapo ea Hae, le sohle seo A fetileng ho sona ka baka la rōna, ka nako ha re kenya bohobe bona melomong ea rōna. Molimo, re batho ba se nang tokelo. Ha re tšoaneloe ke ntho e halalelang hakaalo, ka hona e re khalalelo ea Hao, Morena, Boteng ba Hao le Mali a Hao, li hloekise lipelō tsa rōna. 'Me ha re bo amohela, re rere likellong tsa rōna ho Mo sebeletsa re sa khaotse letšeheare le bosi, matsatsi ohle a ho phela ha rōna. Joale halaletsa bohobe bona morero o baletsoeng bona. Re kōpa ka Lebitso Jesu. Amen.

⁵⁸ 'Me ke tšoere sena matsohong a ka, joaloka mashotha-... ke batla ke sebelelitse Morena oa ka lilemo tse mashome a mararō le metso e merarō tsa tšebetso, 'me ke a itsaabela. Empa ke a nahana, ke ne ke tla etsa'ng hoja ke tšoeroe marotholinyana a mabeli a Mali a Hae ka seqo letsohong la ka bosiung bona? Ke ne ke tla etsa'ng ka ona? Empa, le a tseba, ke kakatletse matsohong a ka bosiung bona, pontšeng ea Hae, ntho e khōloanyane, ke moputso oa Mali a Hae, Kereke ea Hae. Ka hona haeba ke tšoere sena, lero la merara, ke nahana seo. O itse, "Ha Ke sa tla noa se behoang ke morara le lōna ho fihlela Ke se noa le lōna ka bocha 'Musong oa Ntate oa Ka.' Le lemohe hore ka mora hoba ntoa ea sebe e fele, ntho ea pele eo re e etsang ha re fihla mose oane ke ho ja selallo, sophoro ea Morena.

⁵⁹ 'Me a re inamiseng lihlooho tsa rōna ha re hlohonolofatsa veine ena. Ntata rōna oa Leholidō, ha ke nahana, ke sa tšoere veine ena e emetseng Mali a Jesu, kamoo ka Mali a tšolohang ao libe tsa ka li nyametseng kateng. Li Lahletsoe Leoatleng la Tebalo, 'me ha li sa tla hopoloa hape. 'Me ka Mali ana, moshanyana o ne a robetse koana kokelong tsatsi le leng a eshoa,

'me U ile ua mpholosa. Oho Molimo, ke U leboha hakakang, Morena. 'Me u ntano ntaela, ka Moea o Halalelang, ho isa batho Kalvari le ho ba supisa tsela e eang Hae. Ke a U leboha, Ntate. 'Me joale halaletsa veine ena morero oa eona. 'Me motho e mong le e mong ea jang sakramente ena, bosiung bona, a fuoe matla a moea le a 'mele bakeng sa leeto le ka pele. Hoba re e kōpa ka Lebitso la Jesu. Amen.

[Phutheho e jesoa selallo. Sekheo lebanteng—Mohl.]

⁶⁰ Ho ema mona le ho shebella malapa a kenang, 'me ho tla ba joalo ka le leng la matsatsi ana, lelapa ka lelapa, maemo ka maemo, sehllopha ka sehllopha, ka bonngoe ka bonngoe. Mohla re kōpanang le Eēna, etlaba nako e kakang, mohla bophelo bohle ba motho ea kileng a lula lefatšeng, ba ileng ba lumela ho Eēna le ho Mo t̄sepa, ba tla kōpana mono ka Letsatsi lela. Na ho ke ke ha babatseha? [Phutheho e re, "Amen."—Mohl.]

⁶¹ Re t̄šoanelo ho tlola hlatsuo ea maoto bosiung bona ka baka la metsi. Ha re na litšebeletso tse lekaneng hona joale, 'me li tla lōkisoa hape, re a t̄sepa. Ba ntse ba tsoelapele hantle, 'me ba sebetsa ka potlako tabernakeleng e ncha. Ka mokhoa o itseng ke hopola ho t̄šoaneleha ho t̄šoara selallo ka letsatsi le qalang selemo ka mokhoa ona, ka nako ena ea letsatsi.

⁶² Joale, lōna ba tsoang kantle ho motse, le khanne ka kelohloko hosane ha le khutlela hae. Molimo a be le lōna. Le lōna ba lehae mona, ba haufi, Molimo a be le lōna a le thuse. 'Me joale, ha Morena a ratile, 'me ke tlameha ho tsamaea ho ea kōpanong e latèlang holimō koana Arizona, 'me ha Molimo o ratile, ke tla khutla ho ba le lōna bakeng sa *Litiiso tse Supileng*, le joalokaha ke t̄sepisitse feela. Ruri ke qela lithapelo tsa lōna. Ke le hloka haholo, ka hona le se lebale ho nthapella. 'Me sohle se le tsamaele hantle. 'Me ke hlile ka ananela ketelo ea lōna le kamoo le ileng la mamela seo ke se buileng Evangeling. Ke a lumela hona joale re etsa phethoho. 'Me 'na, ke le leboha ka mosa oa lōna.

⁶³ Le bongata ba lōna bo khannang limaele le limaele ho tla utloa motho ea nyatsehang joaloka 'na ea lekang ho tlisa Lentsoe la Molimo. Ke kholoa e ne e le ntho e fetisang ho tla mamela 'na, hoba ke sa t̄šoara letho ho le hlahisa. Ha ke a ruteha, ha ke na seriti, ha ho letho ka 'na. Ka hona ha ke bona batho ba khanna makholo le makholo a limaele, le ho ema le ho leta mona, hora ea bobeli hoseng, e ne e se ka baka la letho leo ke le t̄šoereng. Ke Kreste. Ke thabetse ha le Mo rata. 'Me ke a Mo rata, le 'na. 'Me re Mo rata 'moho. 'Me ka hobane re Mo rata, re ke ke ra tlameha ho arohana le ka mohla. Re arohana nakoana mona, ha nako e ntse e tsamaea, empa re tla boela re phutheha. Esale e le tabatabelo ea ka ho leka ho isa batho tulong eo.

⁶⁴ 'Me joale ho qala selemo se secha sena, ke batla ho re, ha se ho re "Selemo se Secha se Monate" ho lōna, ke batla ho bua sena ho lōna, "Molimo a le hlohonolofatse." 'Me haeba A etsa hoo, ke

phetho seo le tlang ho se hloka selemong se tla latèla. 'Me ke tsepela A tla etsa hoo.

⁶⁵ 'Me 'na, ka mohau oa Hae, re tla leka selemo se tlang sena, haeba A ka mpaballa, a le baballa, ka mohau oa Hae ke tsepile ho ba molisa ea khabane isao ho feta kamoo ke sebelitseng monongoaha, ke tsepile ho ba mohlanka ea ntlafetseng ho Kreste. Ke tla leka ka thata ho phela haufi, ka 'nete ho feta, ho tlisa Molaetsa kamoo A mphang ona feela, ke tla le tlisetsa Oona ka bokhoni ba ka bo khabane, ho se hanele letho leo A ka batlang hore ke le tlisetse lona. Ke tla etsa sohle kamoo ke tsebang. 'Me ke a tseba hore le ikutloa joalo. Le—le ikutloa bohle re batla ho sebetsa 'moho joale, hoba ruri maseli a mantsiboea a ntse a rothofala, 'me letsatsi le a likela le phirimile. Lefatše le ntse le phola, re tseba seo, ha re bua ka moea, kereke e ntse e phola 'me tsoselsetso e felile. Ha re tsebe se tlang ho latèla, empa hoo re tla ho tsepela ho Molimo, e ka bang eng. 'Me ka linako tse ling kamoo re eeng re . . .

⁶⁶ Ke batla le hopole hore tabernakele ena mona e tšoere e mong oa balisa ba tsoileng ka mahetla lefatšeng, Moena Orman Neville, monna ea lōkileng, monna ea mosa. 'Me ha ke le sieo, Moena Neville o bolaoling bo tletseng, eka hoja ke le teng mona. Literaseti, batikone, le ba joalo, ba lule liofising tsa bona tsa joale. 'Me ena ke ntlukhōlō ea rōna. Mona ke hona moo re—re—re theiloeng teng, hantle mona. Billy Paul a ke ke tsoela kantle koana le 'na, haese bakeng sa kōpano feela, o tla khutlela mona. Khoebo le ntho eohle e laoloa hantle mona ka mokhoa o tšoanang. Ke ho tsoa feela, hoo ha ho bolele ho le tlohela. Ke mpa ke tsamaea, le a utloisia, ke pono feela. Ha ke tsebe seo e se bolelang. Ke a tsepela 'me ke lumela e tla be e le molemong oa ntlafatso ea Kereke eohle. 'Me kea tseba ho tla ba molemo ho rōna bohle haeba re ka sala boetapele ba Morena morao. Ke phetho seo re tsebang ho se etsa. Ha ho bonolo ho 'na. Ke hopola khetlo la pele ha ke tlameha ho siea kereke mona. Ba bang ba lōna mekaubere le sa hopola, kamoo ke neng ke sa khone feela! Ke rata batho.

⁶⁷ Enere ke sa le moshanyana ke ne ke sa ratoe, ke ne ke sa tsotelloe ke motho bongoaneng ba ka, 'me 'na, hoba ke fumane motho ea nthatang, ka—ka nahana, "ke batla ho ba shoela." 'Me joale, kahobane motho a u rata, motho o a tsotella. Khetlo le leng ha ke hloella palo eaba huku ea ka e thella palong ea khale ea kedare, lefito le le holimō koana, ke ile ka e thula ka liporo tsa ka 'me la phethoha, ka oela maoto a ka bang leshome le metso e mehlano 'me sephaka sa ka sa tšoaseha. 'Mofumahali e mong o ile a hooeletsa, 'me a ba motlotlo ka *hoo*. Esale ke rata mofumahali eo, o ile a tsotella. Ke motho ea ileng a tsotella. 'Me haesale ke nahana, "motho mang ea ntsotellang, ke a ba rata."

⁶⁸ 'Me mona nakoana e fetileng ha ke theohetse toropong, ke ne ke nahanne ka matsatsi a fetileng, le ka seo Molimo a

nketselitseng sona, 'me ruri ke a ananela. 'Me ke le leboha ka lerato la lōna le setsoalle. 'Me nke ke ka leka ho le khelosa. E tla be esale e le tsela e lōkileng, ka bokhabane ba tsebo ea ka. 'Me le mpakele, ha ke eso bue letho ka 'na, esale e le Jesu Kreste kamehla. Le a bona? Le a bona? Ho leka ho lula haufi le Lentsoe la Hae ka khonahalo eo ke e tsebang ho ema, ho le tsamaisa le ho le tlisa sebakeng sena.

⁶⁹ 'Me ke le laeletsa joale matsohong a Moena Neville, pele matsohong a Molimo, e ntano ba paballong ea letsoho la Moena Neville, ho alosa kereke le ho lisa lefa lena hofihlela ke tšoara tšebeletso ena 'me ke khutlela ho lōna. Ho tšepta hore lekhatheng leo nka le tlisetsa tšenolo e khōlō e tsoang ho Molimo, e tlang ho hlasimolla pelō e 'ngoe le e 'ngoe le ho tlotsila Kereke ea Molimo.

⁷⁰ Ka tloaelo re ja selallo. Ha ke sa batla ho bua ho feta, le tseba kamoo ke ikutloang. 'Me ke nahana sefela seo re tlamehang ho se bina hona joale, *Tumelo Ea Ka E Lelala Ho Uena, Uena Konyana Ea Kalvari*. 'Me nakong eo re emang 'me re se bina, a re tsukutlaneng ka matsoho, re re "Molimo a le hlohonolofatse."

Tumelo ea ka e lelala ho Uena,

⁷¹ U hlohonolofatsoe, moeka oa ka. Molimo a u hlohonolofatse, khaitseli. Molimo a u hlohonolofatse, khaitseli.

Moph- . . .

Molimo a u hlohonolofatse, moena.

. . . -hileng.

Joale . . . (. . . ? . . .)

. . . ua Hao ka botlalo!

Joale ha Mo phahamisetseng matsoho a rōna.

Tumelo ea ka e lelala ho Uena,
Uena Konyana ea Kalvari,
Mopholosi ea Khethelileng;
Joale nkutloe ha ke rapela,
Tlosa sebe sohle sa ka,
Oh ho tloha kajeno
Ke be oa Hao ka botlalo!

⁷² "Ho fihlela re kōpana!" Ha re bineng *Ho Fihlela Re Kōpana Hape*. E mong le e mong a kōpane joale.

Ho fihlela! re kōpana!
Maotong a Jesu re kōpana;
Ho fihlela re kōpana!

[Moena Branham o buisana le motho e mong hasesane—Mohl.] . . . ? . . .

. . . be lōna re be re kōpane!

Ho fihlela! re kōpana!
Maotong a Jesu re kōpana; (re kōpana)
Ho fihlela! re kōpana!
Molimo a le sitse re be re kōpane!

A re inamiseng lihlooho tsa rōna.

⁷³ Moena Neville, khele, na u ke ke ua re qhalanya ka thapelo.
Molimo a u hlohonolofatse.



PETANO SST62-1231
(The Contest)

Molaetsa ona ka Moena William Marrion Branham o reriloe sethahong ka Senyesemane, Mantaha mantsiboea, Tšitoe 31, 1962, Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org